



5. marts 2010

UPA 2010/69

Inatsisartut suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiupparput:

Inissianik sanaartornermut tapersersuisarneq taarsigassarsisitsisarnerlu pillugit inatsisini seqerngup maligaasaanik aammalu nukissiuutinik ataavartunik allanik atortulersornissamut aningaasartuutit ilaannik matussusiissutissanik taparserneqarnissamik periarfissaqalersitsinissaq siunertaralugu Naalakkersuisut sulissuteqarnissaannik Inatsisartut aalajangiiffigisassaattut siunnersuut

(ATASSUT-ip Inatsisartunut ilaasortaataitai: Finn Karlsen, Siverth K. Heilmann, Knud Kristiansen)

Tunngavilersuut:

Ilisimaneqarpoq CO₂-mik aniatitsinitta millisarneqarnissaannut pisussaaffitsinnik naammassinninniarneput inuiaqatigiit uagut assut ajornartorsiutigigipput. Pisussaaffipput naammassiniarlugu iliuseqarnerput pillugu nunat avatitsinniittut tatiginninnerat annertusarniassagutsigu inuiaqatigiittut tiguussaasunik iliuseqartariaqarpugut.

Inissianik allanillu sanaartornermi tapersersuisarnermut taarsigassarsisitsisarnermullu inatsisini atuuttuni, nukissiuutinik ataavartunik innaallagissamik kiassarermillu pilersorneqarnissamut periarfissaqartitsisoqanngilaq.

Aaqquissuussinermi taarsigassarsiniartoq tapiissutinillu qinnuteqaateqartoq periarfissinneqarpat seqerngup maligaasaanik, seqerngup kissarneranik igalaanik kiammik tigooqqaasartunik (energiruder) pilerneqarnissaminut atatillugu taperneqarnissamik qinnuteqaateqarsinnaatitaalerpat, tamanna iluanaarutissanik arlalinnik kinguneqassaaq, atuisunut ataasiakkaanut innaallagissamut imermut kiassarermullu akiligassat annikillisinneqassapput taamatuttaaq mingutsitsinermik aniatitsinitta annikillisarneqarnissaannik pisussaaffitsinnik naammassinninniarnitsinnut annertusaataassaaq.

Tamakkuninnga tunngavilersuuteqarluta inissianik sanaartornermut tapersersuisarneq taarsigassarsisitsisarnerlu pillugit inatsisini seqerngup maligaasaanik aammalu nukissiuutinik ataavartunik allanik atortulersornissamut aningaasartuutit ilaannik matussusiissutissanik taparserneqarnissamik periarfissaqalersitsinissaq siunertaralugu Naalakkersuisut sulissuteqarnissaannik Inatsisartut aalajangiiffigisassaannik siunnersuuteqarpugut.